



Ulekrael el mo er tirke el apply er a Pacific Engagement Visa (PEV):

Rolel eke de mo kldmokl el mo oureor er a Australia

Tia el ulekrael a smaod aike el meklou a ultutelel el tekoi el tirkel ngarngii a PEV er tir a ous-bech er uchei er a lomuchel er a beches el lureor er a Australia. Ng smaod a llemeltem el chad er a ureor e meskau a uldasu el kirel a teletael er a basio er a ureor er a Australia el ngii a ngosukau meke mo melechesuar el kmo ke kldmokl emo ulterekokl a rengum.

Llemeltem el chad el oureor er a Australia

Tirke lou visa me tirke el urerir a merael a beluu a di osisiu a llemeltir er a blil a ureor e selebechakl el di ua rokui el chad el oureor er a Australia el diak el ior er a kmo te chad er a beluu malechub eng ior er a visa er tir.

Llemeltem el permanent resident

- Ng ngarngii a llemeltem loureor el mo er a ngidil chad, ngidil ureor me a chelsel a ngidi el beluu er a Australia
- A llemeltem om ngara a ureor a selebechakl el ngar cheungel a llach er a Australia el oak a *Fair Work Act*
- Permanent me a mui el taem er a ureor a lechub a eng diak el mui el taem e telutk a temel el ureor, el ngii a meklou a belkul er a PEV, beskemam a ikel ngar ngii a llemeltem el ulsiseb er ngii er a ureor el ikel harau el uai a sick leave me a carer's leave, me a annual leave.

Msodii a visa er kau el mo er a ruungerachel a ureor

A PEV a beches el prokuram, belkul a kmo a bebil er a ruungerachel a ureor a locha diak el sal medengeli. Ke mo ousbech el smodii el kmo a visa er kau, se er a lekengei er ngii, e temilskau el obengkel a permanent el delengchokl me a llemeltem el oureor.

A PEV Employment Support Service a sebechel ngosukau el oak a lesodii a prokuram el mo er a ruungerachel a ureor el kirem.

Ngera kemo meruul a lsekum eng ngar ngii a mondai er kau er a ureor

Australia Fair Work Ombudsman (FWO) a obis er a kabelment el oltobed a diak locheraol el tekoi er a uldasu, tekoi er a omesuu me a ngesou el mo er a rokui el oureor me temo medengei a llemeltir er a basio er a ureor.

Alsekum komdasu el kmo a oungerachel a ureor a diak el longull a llemeltem a lechub eng melemall a llach er a ureor, sebechem el oudengua er a FWO el kirel a diak el ocheraol uldasu me a ngesou.

Alsekum eng ngar ngii a kerim el kirel a ududem me a ikelllemeltem er a chelsel a ureor, kau a sebechem:

- Momekedong er a FWO er a 13 13 94 (ngsebechem el nguu a diak el locheraol el oleiuid a tekoi el oak a momekedong er a Oleiuid e Mesaod a tekoi el Ngesou (Translating and Interpreting Service) er a 13 14 50 el kot)
- Mlechesii a ngklem el mo er a My account el mo oker a ker el oak a online form er tir
- Modekdak a ikel ududem me a llemeltem er a leave el ousbech er a Harau me Blekerdelel el Dongu (Pay me a Condition Tool): calculate.fairwork.gov.au

- Ngdiak el sebechel el mo er ngii a chetituokel el tekoi er a ureor a lechub ea visa er kau a meterob a urerel a mo omekedong er a FWO.

Kirel a bebil el omesodel, bo er a FWO's website er a: fairwork.gov.au/migrantworkers

Ngdirrek el sebechem el lomes er a video er a FWO el nga er a omeleknagem el mo ngosukau el mo a medengei a llemeltem me a klisichem er a chelsel a basio er a ureor: fairwork.gov.au/language-help/language-storyboards

Kirel a lmuut el bebil el omesodel a domuchel er a beches el lureor, ngsebechem el rokir a FWO's online course el nga er a fairwork.gov.au/tools-and-resources/online-learning-centre/starting-a-new-job



Mo medengeli a teletael me a blekeradel er a blil a ureor er a Australia

A basiol a ureor er a Australia a kakerous ngii ma ike el nga er a Pacific ma Timor-Leste.

A omodengei aika el klekakerous eng sebechel ngosukau el lolengeriaki er a beches el urerem e mekerulii a ungil deleuill er kau ma rechad el moureor lobenterir me a remeredelem.



Bleketaki el cheldecheduch

- A rechad er a Australia a teletelir el di bleketaki a le chadecheduch a lengar er a basio er a ureor
- Ng diungil omoker a ker, morritter a tekoi, e mouchais aike el mengesang er a uldesuem el mo er a merredelem
- A debleketaki el mengedecheduch el kirel a tekoi er a ureor eng ngungil er a ureor ngdiak el belkul a kmo ngdiak dolengmes er a oba derreder
- A tekoi el dousbech er a bek el sils a sebeched el ousbech a denga er a ureor el mo lmuut er a dongedecheduch er a re merredeled.



Olengit a ngseu

- A ruungerachel a ureor er a Australia a mengerchir er kau loker a ker el kirel a ureor a lsekum ngdiak modengei
- Ng diungil om du "ngdiak kudengei" malechub e ke kmo "a kuusbech a ngeseu" le ngochotii el kmo ng sebeched loumerang er kau
- A lak moker a ker sel llak modengei e a chad el moureor lobengkel a mesang el kmo ngsebechel el mo uchul a klou el tellemall.



Oureor lobenterir a remerreder

- A remerreder a beot a debo er tir e sorir a de blechoel el mengedecheduch er tir
- A ruungerachel er a rechad er a ureor a ngarngii el olengeseu er kid e olecholt a kired el meruul
- A de blechoel el oumiting el di kid me a remerredeled a ungil el kirel a ureor
- Ngsebechel e diungil a de chadecheduch kid me a remerredeled sel le temel a ulenguul.



Olab a taem

- Nga er a Australia eng kired el nga er a ureor er sel telutk el temel a ureor me a lechub eke de telkib el mereched el mong
- Ngblechoel lungil omomekedong er a oungerachel er kau er a ureor a lsekum ke mo meioud el mo oureor. Nga er a Australia eng diak el blechoel el kongei er a rechad el meioud el mo oureor endi alsekum a uchul eke mlo meioud a tekoi el diak el sebechem el mtebechel el ua ieuudel a olideiul er a buai ete kongei.



A PEV Employment Support Service a blechoel el meruul a webinars el smaod a komakai el teletael er a blil a ureor er a Australia. Mosiik a lmuut el bebil el kirel a PEV Employment Support Service er a pev.gov.au

Ngara website er kemam, eng sebechem el mes a lmuut el bebil er a tekoi er a ngeseu, uldimukl er ngii a meklou a belkul el tekoi el kirel a ureor me a teletelel omerellel a resume. Ng dirrek el sebechem el luchesii a ngklem el mo er a Employment Information Sessions me bom suub a lmuut el betok el tekoi el kirel a skel a ureor er a Australia.

